



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Sumáriu Kazu

Tribunál Distritál Oe-Cusse

Períodu Agostu 2016

A. Sumáriu prosesu julgamentu kazu iha Tribunál Distritál Oe-Cusse

1. Totál kazu ne'ebé JSMP monitoriza : 1

Tipu kazu	Númeru
Artigu 145 Kódigu Penál (KP) no artigu 2, 3 no 35 Lei Kontra Violénsia Doméstika (LKVD) - Ofensa integridade fízika simples ho natureza violénsia doméstika	1
Totál	1

2. Totál desizaun ne'ebé JSMP monitoriza : 1

Tipu desizaun	Númeru
Suspensaun ba prizaun nia ezekusaun (artigu 68) KP	1
Totál	1

Total kazu sira ne'ebé adia tuir JSMP nia monitorizasaun : 0

4. Totál kazu sira ne'ebé sei kontinua tuir JSMP nia monitorizasaun : 0

B. Deskripsaun sumáriu ba desizaun kazu sira

1. Krime ofensa ba integridade fízika simples ho natureza violénsia doméstika

Nú. Prosesu : 145/16.OESIC
Kompozisaun Tribunál : Singulár
Juis : Dr. Eusebio Xavier Victor

Ministériu Públiku : Dr. Mateus Nessi
Defeza : Dr. Cesaltina da Conceição Freitas
Tipu desizaun : Pena prizaun tinan 3 suspende ba tinan 3

Iha 10 Agostu 2016, Tribunál Distritál Oe-Cusse prezide leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ME hasoru nia feen, iha Distritu Oe-Cusse.

Ministériu Públiku akuza katak iha 06 Agostu 2016, maizumenus iha tuku 16.00 loro-kraik, arguidu kaer lezada nia liman no riba tun ba raino rezultalezada sofre moras iha nia isin lolon.

Tuir fali mai, iha 07 Agostu 2016, maizumenus iha tuku 20.00 kalan, arguidu kontinua tuda telefone dala 1 iha lezada nia kabas parte karuk, basa dala 1 iha lezada nia hasan loos no basa dala 1 iha ren-toos no rezulta moras.

Ministériu Públiku akuza arguidu kontra artigu 145 KP kona-ba ofensa ba integridade fízika simples konjuga ho artigu 2, 3 no 35 (b) LKVD.

Iha prosesu julgamentu, arguidu konfesa faktus hotu integralmente no deklara katak nia arrepende ona ba ninia hahalok no promete sei la repete krime ne'e iha futuru hasoru nia feen ka ema seluk. Tanba arguidu konfesa, Tribunál presindi lezada nia deklarasaun.

Iha alegasaun finál, Ministériu Públiku husu ba Tribunál atu kondena arguidu bazeia ba pena ne'ebé define iha artigu 145 KP tanba Ministériu Públiku konsidera katak arguidu provadu komete krime hasoru lezada.

Enkuantu, defeza husu ba Tribunál atu aplika pena ne'ebé adekuadu tuir arguidu nia kulpa tanba arguidu konfesa faktus integralmente, arguidu arrepende ona ba ninia hahalok no arguidu iha responsabilidade ba nia feen ho oan sira.

Depoizde avalia faktus sira ne'e hotu, Tribunál prova katak arguidu komete duni krime hasoru nia feen. Bazeia ba faktus provadu ne'e, Tribunál konklui prosesu ne'e no kondena arguidu ho pena prizaun tinan 3 suspende ba tinan 3.

Sumariu kazu ida ne'e bele imprimi tan ho apoiu jenerozu husi povu Amerikanu liu husi Ajensia Estados Unidos ba Dezenvolvimentu Internasionál (USAID) bazeia ba Akordu Kooperasaun ho Númeru AID-486-A-13-00007 ba programa Ba Distrito iha Timor-Leste, ne'ebé nia implementasaun lidera husi Ajensia Counterpart International ho nia parseiru sira. JSMP mak responsabiliza tomak ba konteudu nohanoin iha komunikadu impresna ida ne'e nia laran no la nesesariamente refléta USAID ka Governu Estados Unidos Amerikanu nia opiniaun".

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org